

四庫全書

史部

欽定四庫全書

史部

景定建康志卷十

詳校官監察御史臣沈孫璉

檢討臣德生覆勘

總校官檢討臣何思鈞

校對官中書臣張曾炳

謄錄監生臣劉為幹

欽定四庫全書

景定建康志卷十

宋 周應合 撰

建康表六

起蕭梁天監壬午至太平
丁丑凡五十六年為年表

梁

高祖武皇帝姓蕭名衍字叔達與齊朝同為漢相
國何之後皇帝考順之字文緯齊高祖族弟參預佐

命封臨湘侯累至領軍將軍丹陽內史高祖以宋大
明元年甲辰歲生於秣陵縣同夏里三橋宅初皇妣
張氏常夢抱日已有孕乃生帝帝生有奇異之光
兩髀駢骨狀貌殊特頂上隆起日角龍顏重嶽虎額
舌文為八字頂有浮光身映日無影為兒童能蹈空
而行有文在左手曰武及長博學多通好籌畧有文
武才幹流輩咸推許焉所居宅常若有雲氣人有遇
者體輒肅然起家巴陵王參軍遷衛軍王儉府東閣

祭酒王儉一見深相器異請為戶曹屬謂盧江何憲
曰此蕭郎三十內當作侍中出此則貴不可言齊竟
陵王子良開西邸招文學之士高祖與沈約謝朓王
融蕭琛范雲任昉陸倕等並遊焉號為八友王融俊
爽識鑒過人尤敬異高祖每謂所親曰宰制天下必
在此人累遷隨王諮議行經牛渚逢風入泊龍瀆有
一老人謂曰君龍行虎步貴不可言天下將亂能安
之者其在君乎拜黃門侍郎入直殿省與蕭詵等定
策封建陽侯建武二年解司州圍走魏軍還為太子
中庶子領羽林監頃之出鎮石頭四年敗魏軍於雍
州進使持節雍樂南北秦四州軍事雍州刺史東昏
侯立六貴八要擅權用事高祖曰政出多門亂其階
矣永元二年長兄懿自益州刺史罷還朝被害高祖
密謀曰昏虐暴主誅戮朝賢生民塗炭卿等同心嫉
惡共興義舉良在今日是日建牙於軍門收拾甲士
三萬餘人馬一千匹船三百艘引荊州軍下河南立

新野郡以集新附三年二月己巳南康王寶融即位於江陵改永元二年為中興元年遙廢東昏為涪陵王以高祖為左僕射假黃鉞西臺置百官司馬八月次燕湖據姑孰使曹景宗蕭穎達領馬步進屯江寧使王茂進據越城十月壬午高祖鎮石頭命衆軍圍城衛尉張稷北徐州刺史王珍國斬東昏首送高祖使呂僧珍勒兵封府庫圖籍嬖庶凶黨王咺之下四十八人並誅之宣德皇后下令追廢涪陵王為東昏侯依漢海昏故事授高祖中書監揚徐軍事大司馬錄尚書驃騎大將軍揚州刺史封建安公食邑萬戶給班劍四十人假黃鉞依晉武陵王司馬遵承制故事已卯高祖入屯閱武堂下令一切淫刑濫罰賦役並原放明年正月齊和帝自江陵遣侍中席闡文黃門侍郎樂法才慰勞京邑詔進高祖劍履上殿入朝不趨贊拜不名加前後羽葆鼓吹置左右長史從事中郎掾屬各四人尋進相國封十郡為梁王備

九錫丙午命王冕十有二旒建天子旌旗出警入蹕
丙辰齊帝禪位於梁依晉宋故事齊百官豫章王繇
等八百一十九人及梁臺侍中臣雲等百一十七人
並上表勸進太史令蔣道秀陳天文符識六十四條
乃即位改元自天監壬午至太平丙子四主都建康
合五十五年而禪於陳

時

地

人

事

武帝

天監元

年壬午

正月乙酉甘露

臨川王宏正月齊和帝遣無侍中

為揚州刺史席闡文等慰勞建康

史加都督壬寅進大司馬衍都督

降於茅
山瀾漫
數里

中外諸軍事劍履上殿
贊拜不名 初行與范
雲沈約任昉同在竟陵
王西邸意好敦密至是
引雲為大司馬諮議參
軍領錄事約為驃騎司
馬昉為記室參軍與參
謀議行內有受禪之志

沈約微扣其端衍不應
他日又進曰齊祚已終
明公當承其運天文讖
記又復炳然衍曰吾方
思之約曰今王業已成
何所復思衍然之約出
衍召雲告之雲意畧同
雲出語約約曰卿必待

我行命草具其事約乃
出懷中詔書并諸選置
衍初無改 甲寅詔進
大司馬位相國總百揆
揚州牧封十郡為梁公
備九錫之禮置梁百司
去錄尚書之號驃騎大
將軍如故 二月辛酉

梁公始受命 南充隊
主陳文興於城內鑿井
得鏤麒麟玉璧水精環
各二枚又鳳凰見建康
縣桐下里宣德皇后稱
美符瑞歸於相府 丙
寅詔梁國選諸要職悉
依天朝之制於是以沈

約為吏部尚書兼右僕射范雲為侍中梁公納東昏余妃頗妨政事范雲以為言曰昔沛公入關婦女無所幸此范增所以畏其志大也今明公始定建康海內想望風聲奈何襲亂亡之迹

以女德為累乎王茂起
拜曰范雲言是也梁公
默然雲即請以余氏賚
王茂梁公賢其意而許
之明日賜雲茂錢各百
萬丙戌詔梁公增封
十郡進爵為王癸巳
受命赦國內及府州所

統殊死以下 三月齊
和帝至姑孰丙辰下詔
禪位於梁 夏四月辛
酉宣德太后令曰西詔
至帝憲章前代敬禪神
器於梁可臨軒遣使恭
授璽綬未亡人歸於別
宮 壬戌發策遣無太

保尚書令亮等奉皇帝
璽綬詣梁宮 丙寅梁
王即皇帝位於南郊大
赦改元 丁卯奉和帝
為巴陵王宮於姑孰以
中書監王亮為尚書令
相國左長史王瑩為中
書監吏部尚書沈約為

尚書僕射長無侍中范
雲為散騎常侍吏部尚
書詔凡後宮樂府諸婦
女一皆放遣 戊辰巴
陵王卒 庚午詔有司
依周漢故事議贖刑
以謝沐縣公寶義為巴
陵王奉齊祀齊南康侯

子恪及弟子範嘗因事
入見上從容謂曰我初
平建康人皆勸我除去
卿輩以壹物心我於時
依而行之誰謂不可正
以江左以來代謝之際
必相屠滅感傷和氣所
以國祚不長又齊梁雖

云革命事異前世我與
卿兄弟耳 癸酉詔公
車府謗木肺石傍各置
一函若肉食莫言欲有
橫議投謗木函若有功
勞才器寃沈莫達者投
肺石函上身服浣濯之
衣常膳惟以菜蔬簡吏

務選廉平 河南褚繻

居建康素薄行仕宦不
得志頻造尚書范雲雲
不禮之繻怒私謂所親
曰建武以後草澤下族
悉化成貴人吾何罪而
見棄今天下草創饑饉
不已喪亂未可知陳伯

之擁強兵在江州非主
上舊臣有自疑之意且
熒惑守南斗詎非為我
出邪遂投伯之伯之舉
兵反使王茂為征南將
軍江州刺史討平之伯
之遂與絹俱奔魏 秋
八月丁未命尚書刪定

郎蔡法度損益王植之
集注舊律為梁律仍命
王亮王瑩沈約范雲等
九人同議定十一月
己未立小廟以祭太祖
之母每祭太廟畢以一
太牢祭之 甲子立皇
子統為太子 是歲江

二年癸

未

特進光祿

成都城中食盡升米三

大夫王份

千人相食劉季連食粥

監丹陽尹

累月計無所出上遣主

書趙景恍宣詔受季連

降季連肉袒請罪鄧元

起遷季連於城外俄而

造焉待之以禮元起送
季連詣建康季連至建
康入東掖門數步一稽
顙以至上前上笑曰卿
欲慕劉備而曾不及公
孫述豈無卧龍之臣邪
赦為庶人 癸卯蔡法
度上梁律二十卷令三

十卷科四十卷詔頒行之
五月范雲卒衆謂
沈約宜當樞管上以約
輕易不如徐勉乃以勉
及右衛將軍周捨同參
國政 沈約以母憂去
扶南龜茲中天竺國
各遣使貢方物交州進

鸚鵡能歌不納

三年甲

申

四年乙

酉

五月建
康縣定
陰里生
嘉禾莖
十二月穗

正月癸卯詔置五經博士各一人廣開館宇招納後進於是以賀瑒及平原明山賓吳興沈峻建平嚴植之補博士各

天清朗
西南有
電光聞
雷聲者
三

主一館館有數百生徒
給其餼廩其對策通明
者即除為吏分遣博士
祭酒巡州郡立學 辛
亥上祀南郊大赦 六
月庚戌初立孔子廟
詔宏都督
諸軍鎮東
揚州刺史王宏都督北

將軍沈約討諸軍事王公以下各
為丹陽尹上國租及田穀以助軍

是年大穰米斛三十

錢初置敬業寺

五年丙

正月甲申封皇子綱為

戌

晉安王始豐獲八目

三月丙寅朔日
有食之

龜一置淨居寺十一

月乙丑大赦

六年丁

亥

七月甲子太白
畫見八
月戊戌
大風拔
木京師
大水濟
八御道
七尺

三月有象入京師 四

月置左右驍衛左右遊

擊將軍建安王偉揚州

刺史沈約為尚書左僕

射 八月戊子大赦

乙亥改閱武堂為德陽

堂聽訟堂為儀賢堂

初置光宅寺帝捨宅造

寺未成於小莊嚴寺造
無量壽佛像長一丈八
尺及鑄銅不足帝又給
功德銅三千斤

七年戊子

詔吏部尚書徐勉定百
官凡一百九號夏四
月乙卯皇太子納妃大
赦六月辛酉復建修

八年己丑

九年庚新作緣淮

二陵周迴五里改陵監
為陵令 七月初置涅
樂寺峰頂又有翠微寺
天晴日暖望見廣陵城
在目前

正月辛丑上祀南郊大
赦

三月己丑上幸國學親

寅

塘北岸起

石頭迄東

治南岸起

後渚籬門

迄三橋

十年辛

卯

六月嘉
蓮一莖

臨講席賜祭酒以下帛

有差 乙未詔皇太子

以及王侯之子年可從

師者皆入學 初置木

業寺在蔣山里

約加特進

正月辛丑上祀南郊大

遷中軍將

赦 尚書左僕射張稷

軍丹陽尹

自謂功大賞薄嘗侍宴

三花苑生
樂遊苑
九月丙
申天西
北隆隆
有聲赤
地氣下
至

樂壽殿酒酣怨望形於
辭色及癸卯出為青冀
二州刺史 辛酉上祀
明堂 上敦睦九族朝
士有犯罪屈法申之百
姓有罪則案之如法嘗
因郊祀有秣陵老人遮
車駕言曰陛下為法急

十一年

於庶民緩於權貴非長
久之道誠能反是天下
幸甚上於是思有以寬
之初作宮城門三重
及開二道初置解脫寺
帝為宣德皇后造太清
里內

壬辰

十二年

癸巳

正月辛卯上祀南郊大

赦詔掩骼埋胔 辛巳

新作太極殿改為十三

間六月新作太廟增基

約卒

武陵王紀

九尺 紀為刺史詔中

為揚州刺史書加四句曰貞白儉素

史 是其清也臨財能讓是

十三年

甲午

老人星
見

其廉也知法不犯是其
慎也庶事無留是其勤
也紀特為帝愛故先作
揚州牧

二月丁亥躬耕藉田孝
悌力田增爵一級大赦
宋齊藉田皆用正月至
是始用二月及致齋先

農秋七月乙亥立皇

子綸為邵陵王繹為湘

東王紀為武陵王

十四年

開府儀同正月乙巳朔上冠太子

乙未

三司王茂於太極殿大赦天下賜

為丹陽尹為父後者爵一級王公

已下有差辛亥上祀

南郊是冬寒甚浮山

十五年

丙申

三月朔
日有食
之

堰士卒死者什七八

宏坐法免冬十一月交州刺史李

吳平侯景畧斬交州反者阮宗孝

加侍中及傳首建康景在州尤

太尉揚州稱明斷符教嚴整有田

刺史舍老姥訴得符還至縣

縣吏未即發姥語曰蕭

監州符如火汝手何敢

十六年

丁酉

留之其為人所畏敬如此

詔景以安正月辛未上祀南郊詔
右將軍監尤貧家勿收今年三調
揚州置佐恤理冤獄并賑孤老鰥
史即宅為寡不能自存者二月
府

辛亥耕藉田甲寅赦
罪人三月丙子勅太

醫不得以生類為藥郊
廟牲牷皆代以麋其山
川諸祀則否時朝野諠
譁以為宗廟去牲乃是
不復血食帝竟不從冬
十月詔以宗廟猶用脯
脩更議代之於是以大
餅代大脯其餘盡用蔬

十七年

戊戌

果起至敬殿景陽臺置
七廟座每月中再設淨
饌

二月甲辰大赦 臨川
王宏妾弟法壽殺人而
匿於宏府中上勅宏出
之即日伏辜上幸光宅
寺有盜伏於驃騎航伺

上夜出上將行心動乃
於朱雀航過事發稱為
宏所使上泣謂宏曰汝
何為者我非不能為漢
文帝念汝愚耳

十八年

正月辛卯祀南郊夏

巳亥

四月丁巳大赦天下

七月甲
申老人

初置惠日寺

星見

普通元

年庚子

正月丙

子日有

食之七

月江淮

海三瀆

並溢九

月乙亥

夜有日

見於東

方光爛

以臨川王正月乙亥朔改元大赦

宏遷太尉扶南高麗及河南國

復為揚州皆遣使貢獻

刺史侍中

如故

如火

二年辛

丑

正月辛巳祀南郊詔

置孤獨園於建康收養

窮民戊子大赦二

月辛丑祀明堂四月

乙卯改作南北郊丙

辰詔徙藉田於東郊外

十五里五月巳郊琬

三年壬

寅

五月壬
辰朔日
有食之

琰殿火延燒後宮三千
餘間

五月癸巳大赦 詔公
卿百寮各上封事連師
郡國舉賢良方正直言
之士 八月甲子婆利
白提國遣使貢獻 十
一月造猛信尼寺

四年癸

卯

十一月
癸未朔
日有食
之

五年甲

辰

六月乙
酉龍闕

正月辛卯祀南郊大赦

丙午祀明堂 二月

乙亥耕藉田 議罷銅

錢始鑄鐵錢 狼牙修

國遣使貢獻

征北將軍元樹率衆侵

魏 置衆造寺 散騎

常侍朱异始掌機密軍

於曲阿
陵西行
至建陵
所過樹
木皆折
地開數
十丈

六年乙

巳

旅謀議方鎮改易朝儀
詔勅皆典之

正月辛亥祀南郊大赦

三月巳酉上幸白下

城履行六軍頓所召

元法僧及元畧還建康

七年丙

午

法僧驅彭城吏民萬餘
人南渡

正月辛丑大赦 詔在
外郡縣各舉所知凡是
清廉咸須聞薦 十一
月庚辰大赦 丁貴嬪
卒太子水漿不入口上
使謂之曰毀不滅性況

我在耶乃進粥數合

是歲河南高麗林邑滑

宏卒
國並遣使貢獻
宏卒

孔休源為帝與羣臣議代時貴戚

宣惠將軍王公咸望遷授帝曰孔

監揚州事休源才識通敏實應此

選乃授宣惠將軍監揚

州事神州都會簿領殷

繁休源剖斷如流旁無
私謁晝決辭訟夜覽墳
籍每車駕巡幸常以軍
國事委之時人名為無
天子

大通元
年丁未

正月辛未祀南郊詔流
亡者復其宅業蠲役五
年尤貧者勿令出今年

三調孝悌力田賜爵一
級帝創同泰寺寺在
宮後別開一門名大通
門對寺之南門晨夕幸
寺講議多遊此門辛
未上幸寺捨身甲戌還
宮大赦改元是歲林
邑師子高麗等國各遣

二年戊

申

使貢獻 置園居尼寺

休源加金 二月築寒山堰 四月

紫光祿大 戊戌魏爾朱榮廢君殺

夫 主胡太后臨朝時魏大

亂魏王子北海臨淮汝

南等並割地來奔 又

豫州郢州北青州南荆

州皆以地來降

中大通

元年己

酉

震大航
華表燃
盡

正月辛酉祀南郊大赦

辛巳祀明堂 六月都

下疫甚帝於重雲殿為

萬姓設救苦齋以身為

禱 九月癸巳上幸同

泰寺設四部無遮大會

上釋御服持法衣行清

淨大捨以便省為房素

牀瓦器乘小車私人執
役甲子升講堂法座為
四部大衆開涅槃經題
癸卯羣臣以錢一億祈
白三寶奉贖皇帝菩薩
默許乙巳百辟詣寺東
門奉表請還臨宸極三
請乃許上三答書前後

並稱頓首冬十月己酉
上又設四部無遮大會
道俗五萬餘人會畢上
御金輅還宮御太極殿
大赦改元十一月盤
盤蠕蠕國並遣使朝貢
初置禪巖寺是年
震擊大航華表然後建

康縣馳啟顧協以為非
吉祥未即呈聞後帝知
之曰寔之所擊一本罰
惡龍二彰朕之有過協
掩惡揚善非曰忠由是
免中書舍人

四月癸丑幸同泰寺

六月林邑扶南遣使貢

二年庚戌

三年辛

亥

獻八月庚戌上幸德陽堂

正月辛巳祀南郊大赦

二月辛丑祀明堂

四月己巳太子統薨太

子自加元服上即使省

錄朝政百司奏事填委

於前太子辨析詐謬秋

毫必賭但令改正不加
案劾平斷法獄多所全
宥寬和容衆喜愠不形
於色好讀書屬文引接
才俊賞愛無倦出宮二
十餘年每霖雨積雪遣
左右周行閭巷視貧者
賑之天性孝謹在東宮

雖燕居坐起常西向或
宿被召當入危坐達旦
及寢疾恐貽帝憂敕參
問輒自力手書及卒朝
野惋愕建康男女奔走
宮門號泣道路初昭明
太子葬其母丁貴嬪遣
人求墓地之吉者或賂

宦者俞三副求賣地云
若得錢三百萬當以百
萬與之三副密啟上言
太子所得地不如今地
之吉上年老多忌即命
市之葬畢有道士云此
地不利長子若厭之或
可申延乃為蠟鵞及諸

物埋於墓側長子位宮
監鮑邈之魏雅初有寵
於太子邈之晚見疏於
雅乃密啟上云雅為太
子厭禱上遣人檢掘果
得鷲物大驚將窮其事
徐勉固諫而止但誅道
士由是太子終身慚憤

不能自明及卒上徵其
長子華容公歡至建康
欲立以為嗣銜其前事
猶豫卒不立遣還鎮

丙申立太子母弟晉安
王綱為皇太子大赦賜
父後者爵一級及忠孝
文武精勤並如之 六

月癸丑立華容公歡枝
江公譽曲阿公譽並為
王以人言不息故封歡
兄弟以大郡用慰其心
久之鮑邈之坐誘略人
罪不至死太子綱追思
昭明之冤揮淚誅之
庚寅皇宗族有服屬者

四年壬

邵陵王綸二月封諸王嫡子為王

並賜湯沐食鄉亭侯隨
遠近為差 九月狼牙
修國使貢獻 十月己
酉上幸同泰寺升法座
講涅槃經七日而罷
十一月乙未上幸同泰
寺講般若經七日而罷

子
七月甲辰
星隕如雨

五年癸

為揚州刺史

何敬容無

庚子皇子邵陵王綸

有罪免為庶人立太

子綱之長子大器為宣

城王十月置制旨孝

經助教一人生十人專

通上所釋孝經義十

一月高麗遣使朝貢

正月辛卯祀南郊忽聞

丑

戊申
師地
京震
巳酉
星見
長

丹陽尹

異香三隨風至及行事

奏樂迎拜拜畢有神光

圓照壇上五色食頃乃

減大赦 辛亥祀明堂

二月癸未上幸同泰

寺講般若經七日而罷

會者數萬人 五月戊

子京師大水御道通船

河南波斯盤盤遣使朝

貢 初置法苑寺

六年甲

寅

夏四月

癸丑日

食十二

月西南

有雷聲

止地

大同元

以臨賀郡

二月癸亥親耕藉田大

王正德為 赦賜孝悌力田 三月

丹陽尹尋 百濟遣使貢方物 十

出為南兗 月丁卯以信武將軍元

州 慶和率衆北侵魏

正月戊申朔大赦改元

年乙卯

十月黃
塵如雪

二年丙

辰

二月辛巳祀明堂

丁亥耕藉田 高麗丹

滑波斯等國朝貢 壬

戌上幸同泰寺鑄銀像

初置頭陀寺萬福尼

寺本願尼寺巖栖觀

正月詔求讜言及令文

武官舉士 上為文帝

十一月雨塵如月
雪攬之是
盈都下
月生白
地生二
毛長
尺

作皇基寺以追福命有
司求良材曲阿弘氏自
湘州買巨材東下南津
校尉孟少卿欲求媚於
上誣弘氏為刼而殺之
沒其材以為寺 二月
乙亥耕藉田 四月考
城江子四上封事極言

政治得失 五月癸卯

詔曰古人有言屋漏在上知之在下朕有過失不能自覺江子四等封事所言尚書可時加檢括於民有蠹害者宜悉詳啟 十月乙亥詔大舉伐東魏 壬午幸同

秦寺設無礙大齋 十

一月己亥有詔班師

壬午魏遣使求和詔許

之初置慈恩普化

成福興善業寒林等寺

正月祀南郊大赦 二

月丁亥耕籍田 東魏

遣無散騎常侍李諧來

三年丁

巳

四月壬
寅大雨

灰黃色
冬地大震

聘秋七月諧至建康上
引見與語應對如流諧
等出上目送之謂左右
曰朕今日遇勅敵卿輩
常言北間全無人物此
等何自而來 四月辛
丑夜朱雀門災上修長
干寺阿育王塔出佛爪

四年戊

午

正月辛酉朔日
有食之

髮舍利 辛卯上幸寺

設無礙會大赦 九月

使散騎常侍張臯報聘

東魏

二月己亥耕籍田 河

南蠕蠕國朝貢 五月

甲戌東魏遣鄭伯猷來

聘 七月癸亥詔以東

治徒李肩之得如來舍利大赦遣散騎常侍
劉孝儀聘東魏八月
甲辰詔淮南十二州饑
饉逋租宿債勿收九
月閱武於樂遊苑十
二月國子助教皇侃表
上禮記疏義五十卷

五年己

未

置洞靈觀

丹陽尹何
丁巳御史中丞參禮儀
敬容為尚
事賀琛奏南北二郊及
書令
藉田往還並宜御輦不

復乘輅詔從之祀宗廟
仍乘玉輦
辛未祀南
郊
八月扶南獻生犀
十一月魏人來聘遣

侍中柳豹聘於魏 是

時都下訛言云天子取
人肝以飼天狗大小相
驚日晚閉門持刀杖數
月乃止

二月己亥耕藉田 五

月乙卯河南王遣使獻
馬及方物求經論十四

六年庚

申

閏五月
丁丑朔

日有食之

七年辛

酉

條并請制所定涅槃經

般若金光明經講疏一

百三卷 七月東魏人

來聘 八月戊午大赦

正月辛巳祀南郊大赦

辛丑祀明堂 二月

辛亥耕藉田 於宮城

西立士林館延集學者

宕昌蠕蠕各遣使貢
方物 百濟王求涅槃
經疏及醫工畫師毛詩
博士並許之

八年壬戌

正月安城郡劉敬躬反
改元永漢置官屬進攻
廬陵逼豫章 二月江
州刺史湘東王繹遣司

馬王僧辯中兵曹子郢
討之 三月戊辰擒敬
躬送建康斬之 十一
月丙午詔罷所在女丁
役

自新亭鑿

關

浦置江

漳苑未成而侯景亂

九年癸亥
正月丙申
地震

生毛

十年甲

子

十一月
大雪三
尺

敬容坐事

免官

三月甲午上幸蘭陵

庚子謁建寧陵使太子

入守宮城陵上有紫雲

覆久而乃散帝望陵流

涕所沾草木變色陵旁

先有枯泉是時流水香

潔 辛丑帝哭於修陵

又於皇基寺設法會賜
蘭陵老少位各一階所
經縣邑放今年租調因
賦還舊鄉詩 已酉上
幸京口城北固樓更名
北顧 庚戌幸回賓亭
宴鄉里故老及所經近
縣迎候者少長數千人

十一年

乙丑

震華林園

各賚錢二千 四月乙

卯上還自蘭陵 五月

甲午東魏遣魏季景來

聘

正月東魏遣李獎來聘

震華林園光嚴殿帝

自貶拜謝上天景刻乃

止 置履道寺渴寒寺

中大同
元年丙

冬十月己未詔有罪者復聽入贖散騎常侍賀琛啟陳四事上惡其觸實大怒召主書於前口授敕書以責琛琛但謝過而已不復敢言三月乙巳大赦庚戌上幸同泰寺遂傳寺省

寅

二月曲
阿縣建
陵隧口
石辟邪
起舞有
大蛇關
隧中被
一被傷
奔走又
有蟲食
陵樹葉
俱盡四
月丙戌
同泰寺

講三慧經乃捨身為奴
至四月皇太子以下羣
臣出錢億萬奉贖還丙
戌解講大赦改元是夜
同泰寺浮圖災上曰此
魔也宜廣為法事羣臣
皆稱善乃下詔曰道高
魔盛行善障生當窮茲

浮圖火
六月辛
巳天有
聲如雷
及風水
相搏之
音

土木倍增往日遂起十
二層浮圖將成值侯景
亂而止 甲子詔今後
犯罪非大逆父母祖父
母不坐 冬十月乙亥
以前東揚州刺史岳陽
王謦為雍州刺史上捨
謦兄弟而立綱內常愧

太清元

之譽兄弟亦懷不平以
上衰老朝多秕政以襄
陽形勢之地梁業所基
遇亂可以圖大功乃折
節下士招募勇敢延納
規諫所部稱治 渴槃
陀國貢方物

正月辛酉祀南郊大赦

年丁卯
正月朔
日有食
之不盡
如鉤二
貫月白
虹

甲子祀明堂 二月

庚辰東魏司徒濮陽王
侯景率河南十三州地
歸降使行臺丁和奉表
帝許之 壬午以景為
大將軍封河南王大行
臺承制如鄧禹故事平
西諮議參軍周弘正善

占候前此謂人曰國家
數年後當有兵起及聞
納景曰亂階在此矣

丁亥耕藉田 三月庚

子上幸同泰寺陞光嚴

殿講三慧經又捨身如

大通故事 甲辰以司

州刺史羊鴉仁常和等

率兵應接侯景 四月
丙子羣臣以億萬奉贖
衆默許百辟詣鳳莊門
上表請帝帝三答皆稱
頓首 丁亥服袞冕還
宮幸太極殿如初即位
之禮大赦改元 甲午
東魏遣李系來聘 神

二年戊

辰

正月朔
兩月相
承如鉤
見西方
六月天
裂七月

馬出太子獻寶馬頌

置幽巖寺立儀香尼

寺

正月己亥交州刺史楊

驃司馬陳霸先破屈獠

洞斬李賁傳首京師

五月上遣建康令謝挺

徐陵聘於東魏以納侯

庚寅朔
日有食
之十二
月戊申
天西北
裂有光
如火

景之故復修前好 侯
景自至壽陽徵求朝廷
無已又聞與東魏和親
反謀益甚元貞知景有
異志逃歸建康具以事
聞上不問臨賀王正德
屢得罪於上景遣人結
之正德大喜曰侯公之

意闇與吾同且曰僕為
其內公為其外何有不
濟時上以邊事專委朱
昇昇以為必無此理景
自壽陽反以誅朱昇徐
麟陸驗周石珍為名昇
等以姦佞驕貪蔽主弄
權為時人所疾故景託

以興兵 甲辰上以邵
陵王綸持節董督衆軍
討景景聞臺軍討之問
策於王偉偉曰邵陵若
至必為所困不如輕兵
直掩建康臨賀反其內
大王攻其外天下不足
定也景出兵攻歷陽太

守莊鐵以城降因說景
曰國家承平歲久人不
習戰宜速趨建康可兵
不血刃而成大功上聞
景臨江問策於羊侃侃
請以二千人急據采石
使邵陵王襲取壽陽使
景進不得前退失巢穴

烏合之衆自然瓦解朱
昇曰景必無渡江之志
遂寢其議 已酉景自
橫江濟於采石有馬數
百匹兵八千人是夕朝
廷始命戒嚴景分兵襲
姑孰朝廷猶不知正德
之情命正德屯朱雀門

寧國公大臨屯新亭太
府卿韋黯屯六門繕修
宮城為受敵之備景至
慈湖建康大駭御街人
更相劫掠不復通行赦
東西治尚方錢署及建
康繫囚以大器都督城
內諸軍事以羊侃副之

西豐公大春守石頭謝
禧元貞守白下韋黯柳
津等分守宮城諸門及
朝堂 庚戌景至板橋
遣徐思玉來求見實欲
觀城中虛實思玉至出
景啟乞帶甲入朝除君
側之惡百姓聞景至競

入城無復次序羊侃區
分防擬皆以宗室間之
軍人爭入武庫取器甲
侃斬數人方止 辛亥
景至朱雀桁正德帥衆
於張侯橋迎景馬上交
揖景乘勝至闕下城中
恟懼大春棄石頭元貞

棄白下彭文粲等以石
頭城降景 壬子景列
兵繞臺城檣旗皆黑繞
城既匝百道俱攻縱火
燒大司馬東西華門羊
侃鑿門竅下水沃火
癸丑景作木驢攻城城
上投石碎之又作尖頂

木驢侃作雉尾炬以焚
之景又執侃子驚以示
侃侃曰我傾宗報主猶
恨不足豈計一子幸早
殺之十一月戊午朔
臨賀王正德即帝位於
儀賢堂下詔稱赦改元
壬戌太子請上巡城上

幸大司馬門城上聞蹕聲
皆鼓譟流涕衆心粗
安景初至建康謂朝夕
可拔及屢攻不克人心
離沮石頭常平諸倉既
盡士卒乏食乃縱士卒
奪民米及金帛子女米
一石值七八萬錢荊州

刺史湘東王繹邵陵王綸入援京師景遣軍至江乘拒綸軍趙伯超曰若從黃城大路必與賊遇不如徑指鍾山突據廣莫門圍解必矣綸從之夜行失道迂二十餘里庚辰旦營於蔣山

景見之大駭悉送所掠
婦女珍貨於石頭欲走
分三道攻綸綸戰破之
景陳兵於覆舟山 乙
酉綸進軍玄武湖側與
景對陳不戰至暮景約
明日會戰綸許之安南
侯駿見景軍退以為走

即與壯士逐之景旋軍
擊之駿敗走乘勝擊綸
諸軍皆潰綸收餘兵千
餘人入天保寺景焚寺
綸奔朱方 湘東王繹
遣世子方等將步騎一
萬入援建康 衡州刺
史韋粲聞景亂簡閔部

下得精兵五千倍道赴
援司州刺史柳仲禮
亦率步騎萬餘人入援
湘東王繹將銳卒三
萬發江陵柳仲禮夜
入韋粲營部分衆軍旦
日會戰諸將各有據守
令粲頓青塘粲以青塘

當石頭中路賊必爭頗
憚之仲禮曰青塘要地
非兄不可若疑兵少當
更遣軍相助乃使劉叔
肩助之

三年己

王固封莫正月丁巳柳仲禮自新

巳

口亭侯為亭徙營大桁會大霧韋

三月壬
午火守

丹陽尹

梁軍迷道比及青塘夜

心乙卯
太白晝
見

已過半立柵未合侯景
望見帥銳卒攻粲粲與
子弟俱戰死仲禮往救
與景戰於青塘大破之
仲禮稍將及景而賊將
支伯仁自後斫仲禮中
肩馬陷於淖騎將郭山
石救之得免 初臺城

之閉也公卿以食為念
男女貴賤並出負米得
四十萬斛而不脩薪芻
魚鹽至是壞尚書省以
為薪撒薦飼馬軍士無
腠或煮鎧熏鼠捕雀食
之御甘露厨有乾苔味
酸鹹分給戰士 侯景

衆亦飢抄掠無所獲東
城有米可支一年景遣
其將任約于子悅至城
下偽求和運東城米入
石頭於是決石闕前水
百道攻城晝夜不息
三月丁卯宮城陷景遣
王偉入文德殿奉謁偉

拜呈景啟稱為姦佞所蔽領衆入朝驚動聖躬今詣闕待罪上問景何在可召來景入見於太極東堂上神色不變問勞景景不敢仰視景復至永福省見太子亦無懼容景退謂其廂公王

僧貴曰吾嘗跨鞍對陳
矢刃交下而意氣安緩
了無怖心今見蕭公使
人自慄豈非天威難犯
吾不可以再見之乃矯
詔大赦自加大都督中
外諸軍錄尚書事建康
士民逃難四出上外為

侯景所制內甚懷不平
所求多不遂志飲膳亦
為所裁節憂憤成疾

五月丙辰上卧淨居殿
口苦索蜜不得再曰荷
荷遂殂年八十六景祕
不發喪遷殯於昭陽殿
迎太子於永福省 辛

簡文帝

名綱字
世縡武
帝太子

太寶元

已發高祖喪升梓宮於
太極殿是日太子即皇
帝位大赦景出屯朝堂
分兵守衛

西陽王大

正月辛亥朔大赦改元

年庚午

鈞為丹陽

二月侯景遣任約于

尹

慶等帥衆二萬攻諸藩

景又遣侯子鑒帥舟師

八十自帥徒兵一萬攻

廣陵三日克之以子鑒

為南兗州刺史鎮廣陵

景還建康景納上女溧

陽公主甚愛之三月

甲申景請上袂宴於樂
遊苑暢飲三日上還宮
景與公主共據御牀南
面並坐羣臣文武列坐
侍宴 四月景請上幸
西州上御素輦侍衛四
百餘人景浴鐵數千翼
衛左右 九月乙亥進

侯景位相國封二十郡
為漢王加殊禮 十月
乙未侯景自加宇宙大
將軍都督六合諸軍事
以詔文呈上上驚曰將
軍乃有宇宙之號乎
齊東徐州刺史行臺辛
術鎮下邳 十一月侯

二年辛未

景徵租入建康術帥衆
度淮斷之燒其穀百萬
石遂圍陽平 景自帥
衆討楊白華於宣城白
華力屈而降 十二月
景還建康

大鈞遇害 三月任約告急侯景自
武寧王大帥衆西上閏月景發建

威為丹陽康自石頭至新林舳舻
尹尋遇害相接 壬寅景軍至西

陽與徐文盛夾江築壘

癸卯文盛擊破之景

遁走還營 六月陳霸

先引兵發南康進頓西

昌 七月丁亥景還建

康 辛丑王僧辯督衆

軍討景下湓城霸先帥
所部三萬人會之屯於
巴丘西軍乏食霸先有
糧五十萬分三十萬以
資之八月湘東王繹
命僧辯且頓尋陽以待
諸軍之集初景既克
建康常言吳兒怯弱易

以掩取當須拓定中原
然後為帝景尚潁陽公
主妨於政事自巴陵敗
歸猛將多死恐不能久
存欲早登大位王偉說
曰自古移鼎必須廢立
景從之乃使謝昊為詔
書使呂季略賁入逼帝

書之廢帝為晉安王幽
於永福省 庚申下詔
迎豫章王棟即帝位且
殺王侯在建康者二十
餘人 九月王偉說景
弒太宗以絕衆心景從
之 十月壬寅夜偉與
左衛將軍彭雋王修纂

進酒於太宗既醉而寢
雋進土囊修纂坐其上
而殂十一月加侯景
九錫漢國置丞相以下
官已丑豫章王棟禪
位於景景即皇帝位於
南郊還登太極殿其黨
數萬皆吹唇呼譟而上

元帝

諱繹武
帝第七

大赦改元太始封棟為
淮陰王 十二月丁未
謝答仁李慶緒攻建德
擒元顓李占送建康景
截其手足以徇經日乃
死

子即位
江陵改元

承聖元

年壬申

正月湘東王繹命王僧

辯等東擊侯景二月

庚子諸軍發尋陽舳舻

數百里陳霸先帥師三

萬舟艦二千自南江出

湓口會僧辯於白茅灣

築壇歃血共讀盟文流
涕慷慨 癸酉王僧辯
等至蕪湖景聞之甚懼
降詔赦湘東王繹王僧
辯之罪衆咸笑之 三
月丁丑僧辯至姑孰侯
子鑒以步騎萬人挑戰
又以鵠舫千艘載戰士

僧辯麾細船少却而以
大艦斷其歸路大敗之
子璽僅以身免走還建
康景大懼涕下覆面引
衾而卧良久歎曰誤殺
乃公 庚辰僧辯督諸
軍至張公洲 辛巳乘
潮入淮進至禪靈寺前

景召石頭津主張濱使
引淮中舫舫及海艫以
石繩之塞淮口緣淮作
城自石頭至朱雀街十
餘里樓堞相接僧辯問
計於霸先霸先曰前柳
仲禮以十萬兵隔水而
坐韋朶在青溪竟不渡

岸賊登高望之表裏俱
盡故能覆我師徒今圍
石頭須渡北岸 壬午
霸先於石頭西落星山
築柵衆軍次連八城直
出石頭西北景恐西州
路絕自帥侯子鑒等亦
於石頭東北築五城以

過大路 丁亥王僧辯
進軍招提寺北景帥衆
萬餘人鐵騎八百餘陳
於西州之西霸先乃命
諸將分處置兵景衝將
軍王僧志陳僧志小縮
霸先遣將軍安陸徐度
將弩手二千橫截其後

景兵乃却霸先與王琳
杜龕等以鐵騎乘之僧
辯以大軍繼進景兵敗
退據其柵景儀同三司
盧暉畧開石頭城降僧
辯入據之景與霸先殊
死戰景帥百餘騎衝陳
不動衆遂大潰景以皮

囊盛其江東所生之子
挂之鞍後與房世貴等
百餘騎東走欲就謝答
仁於吳杜則入據臺
城是夜軍士遺火焚太
極殿及東西堂寶器羽
儀輦輅無遺 戊子僧
辯逆太宗梓宮升朝堂

帥百官哭踊如禮 僧
辯命侯瑱率精甲五千
追景 己丑僧辯等上
表勸進且迎都建業王
未許 四月僧辯啟霸
先鎮京口 己酉侯瑱
追及景於松江景猶有
船二百艘衆數千人瑱

進擊敗之擒彭雋田遷
房世貴蔡壽樂王伯醜
瑱生剖雋腹手自收之
乃斬之景與腹心數十
人單舸走推墮二子於
水將入海瑱遣副將焦
僧度追之景納羊侃之
女為小妻以其兄鵬為

庫直都督待之甚厚鵬
隨景東遷與景所親謝
歲蕤密圖之景下海欲
向蒙山鵬拔刀叱海師
向京口因謂景曰吾等
為王効力多矣今至於
此終無所成欲就王乞
頭以取富貴景未及答

白刃交下景欲投水鷗以刀斫之景走入船中以佩刀抉船底鷗以稍刺殺之右僕射索超世在別船歲隄以景命名而執之南徐州刺史徐嗣微斬超世以鹽納景腹中送其尸於建康王

僧辯傳首江陵截其手
使謝歲粃送於齊暴尸
於市士民爭取食之并
骨皆盡溧陽公主亦預
食焉 丁巳湘東王下
令解嚴 五月戊寅景
首至江陵梟之於市三
日煮而漆之以付武庫

侯景平南

庚辰以南平王恪為

平王恪為

揚州刺史王僧辯為司

揚州刺史

徒鎮衛將軍封長寧公

陳霸先為征虜將軍開

府儀同三司封長城縣

侯九月甲戌恪卒甲

王僧辯為

申以僧辯為揚州刺史

揚州刺史

公卿藩鎮數勸進於

二年癸

酉

帝欲還
建業以
羣臣議
不果

正月僧辯

八月庚子下詔將還建

發建康陳

康御史中丞劉黻諫曰

霸先代為

建業王氣已盡與虜止

揚州刺史

隔一江若有不虞悔無

鎮建康

及也尚書右僕射王褒

湘東王 十一月丙子
即皇帝位於江陵改元
大赦

曰今百姓未見輿駕入
建康謂是列國諸王願
早從四海之望上令朝
臣議之上曰吾欲還建
康諸卿以為何如衆莫
敢先對朱買臣曰建康
舊都山陵所在荆蠻邊
疆非王者之宅願勿疑

以致後悔上以建康彫
殘江陵全盛意亦安之

九月詔霸卒從劉穀等議 九月

先復還京 庚午詔僧辯還鎮建康

口以僧辯 霸先復還京口 齊主

復為揚州使郭元建治水軍二萬

刺史鎮建餘人於合肥將襲建康

康 霸先在建康聞之白上

三年甲戌

上詔僧辯鎮姑孰以禦之
己酉僧辯至姑孰
遣侯瑱等築壘東關以
待齊師
閏月丁丑瑱
與郭元建等戰於東關
齊師大敗僧辯還建康
三月甲辰以王僧辯為
太尉車騎大將軍四

帝為魏人所殺

月癸酉以陳霸先為司
空 九月魏遣兵五萬
入寇江陵 十月辛未
帝使李膺至建康徵僧
辯為大都督荊州刺史
陳霸先復命霸先徙鎮揚州僧辯
為揚州刺史遣侯瑱等為前軍杜僧
史鎮建康 明等為後軍 十一月

敬皇帝

諱方智
元帝第九子

紹泰元

江陵城陷 十二月帝

為魏人所殺王僧辯陳

霸先共奉江州刺史晉

安王方智為太宰承制

正月梁王譽即皇帝位

年乙亥

十二月
乙卯太
白出東
方

於江陵改元大定二
月齊主先使殿中尚書
邢子才馳傳詣建康與
王僧辯書以為嗣王冲
貌未堪負荷彼貞陽侯
梁武猶子長沙之胤以
年以望堪保金陵故置
為梁主納於彼國卿宜

部分舟艦迎接今主并
心一力善建良圖 乙
邠貞陽侯淵明亦與僧
辯書求迎僧辯復書曰
不敢聞命 三月貞陽
侯淵明至東關散騎常
侍裴之橫禦之 丙戌
齊克東關斬裴之橫俘

數千人僧辯大懼出屯
姑孰謀納淵明 五月
王僧辯遣使奉啟於貞
陽侯定君臣之禮 庚
子遣龍舟法駕迎之
辛丑自采石濟江齊侍
中裴英起衛送淵明與
僧辯會於江寧 癸卯

淵明入建康望朱雀門而哭道逆者以哭對
丙午即皇帝位改元天
成以晉安王為皇太子
王僧辯為大司馬陳霸
先為侍中 初僧辯與
霸先共滅侯景情好甚
篤僧辯為子顧娶霸先

女會僧辯有母喪未成
昏僧辯居石頭霸先在
京口僧辯推心待之及
納貞陽侯霸先遣使苦
爭之僧辯不從霸先竊
歎謂所親曰武帝子孫
甚多惟孝元能復讐雪
恥其子何罪而忽廢之

吾與王公並處託孤之地而王公一旦改圖外依戎狄何所為乎會有告齊師大舉至壽春將入寇者僧辯遣記室江旡告霸先使為之備霸先因是留旡於京口舉兵襲僧辯九月霸先

部分將士分賜金帛使
徐度侯安都帥水軍趨
石頭霸先帥馬步自江
乘羅落會之是夜皆發
外人皆以為江旰徵兵
禦齊不之怪也 甲辰
安都至石頭城北棄舟
登岸石頭城北接岡阜

不甚危峻安都被甲帶
長刀軍人捧之投於女
垣內衆隨而入進及卧
室霸先兵亦自南門入
僧辯方視事外白有兵
俄而兵自內出僧辯遽
走與子顧帥左右數十
人苦戰於廳事前力不

敵走登南門樓霸先欲
縱火僧辯與子下就執
是夜霸先縊殺僧辯父
子 乙巳霸先檄布告
中外列僧辯罪狀 丙
午貞陽侯遜位出就邸
百僚上晉安王表勸進
冬十月己酉晉安王

即皇帝位大赦改元中
外文武賜位一等 壬
子加霸先尚書令都督
中外諸軍事車騎將軍
揚南徐二州刺史 十
月譙秦二州刺史徐嗣
徽王僧辯之甥也僧辯
死霸先東討義興嗣徽

乘虛將精兵五千襲建
康 丙子入據石頭遊
騎至關下侯安都閉門
藏旗幟示之以弱及夕
嗣徽等收兵退石頭安
都夜為戰備將旦嗣徽
又至安都帥甲士三百
開東西掖門出戰大破

之嗣徽犇還石頭不敢
復逼臺城 十一月北
齊遣兵五千渡江據姑
孰以應徐嗣徽霸先使
徐度立柵於冶城齊遣
柳達摩以兵一萬頓於
湖墅以米三萬石馬千
疋潛渡據石頭霸先命

侯安都夜襲湖墅燒齊
船千餘艘令周鐵虎斷
齊運輸 甲辰嗣徽攻
冶城柵霸先將精甲自
西明門出擊之嗣徽大
敗 十二月丙辰霸先
對冶城立航悉渡衆軍
攻其水南二柵達摩度

淮置陣霸先督衆軍疾
戰縱火燒柵烟塵漲天
齊人敗走達摩等合衆
軍入保石頭霸先於南
北岸絕其汲路城中諸
井無水水一合貿米一
升米一升貿絹一疋或
炒米而食之達摩謂其

衆曰我在北聞謠言云
石頭擣兩襠擣青復擣
黃昔侯景著青已倒於
此今吾徒衣黃豈不是
謠言驗乎 庚申達摩
請和霸先偽許之與城
外盟約任其將士南北
辛酉霸先陳兵石頭

太平元
年丙子

門送齊人歸北收齊馬
仗船米不可勝計齊主
誅達摩 壬戌江寧令
陳嗣黃門侍郎曹朗據
姑孰反霸先命侯安都
等討平之

正月戊寅大赦其與任
約徐嗣徽同謀者一無

九月龍
見於御
路自太
社至
象魏於

所問 癸未霸先遣江
旰說嗣徽南歸嗣徽執
旰送齊 二月癸亥嗣
徽任約襲采石執刺史
張懷鈞送於齊 三月
壬午詔雜用古今錢
戊戌齊遣蕭軌庫狄伏
連堯難宗東方老等與

任約徐嗣徽合兵十萬
入寇出柵口向梁山霸
先帳內盪主黃叢逆擊
破之齊師退保蕪湖霸
先遣沈泰等就侯安都
共據梁山以禦之 四
月丁巳霸先如梁山巡
撫諸軍 五月丙申齊

軍至秣陵故治霸先遣
周文育屯方山徐度屯
馬牧霸先帥宗室王侯
朝臣等立壇於司馬門
外仁虎闕下刑牲告天
以齊背約食言涕泗交
流士卒感奮 辛丑齊
人跨淮立橋柵度兵夜

至方山嗣徽等列艦於
青墩至於七磯以斷周
文育之歸路文育鼓譟
而發嗣徽等不能制文
育斬其驍將鮑殍 癸
卯齊兵自方山進及倪
塘遊騎至臺建康震駭
帝總禁兵出頓長樂寺

內外纂嚴侯安都與嗣
徽等戰於耕壇南安都
帥十二騎突其陳破之
生擒齊乞伏無勞霸先
潛徽精兵三千配沈泰
渡江襲齊行臺趙彥深
於瓜步獲艦百餘艘粟
萬斛 六月甲辰齊兵

潛至鍾山安都與齊將
王敬寶戰於龍尾丁
未齊師至幕府山霸先
遣錢明將水軍出江乘
邀擊齊人糧運盡獲其
船米齊軍乏食殺馬驢
食之庚戌齊軍踰鍾
山霸先與衆軍分頓樂

遊苑東及覆舟山北斷
其衝要 壬子齊軍至
玄武湖西北將據北郊
壇霸先引軍自覆舟山
東移於壇北與齊人相
對會連日大雨平地水
丈餘齊軍日夜坐立泥
中足指皆爛懸馬以繫

而臺中及潮溝北路燥
梁軍每得番易時四方
壅隔糧運不至建康戶
口流散徵求無所甲
寅少霽霸先將戰調市
人得麥飯分給軍士會
陳儔饋米三十斛鴨千
頭霸先乃炊飯煮鴨人

人以荷葉裹飯混以鴨
肉數臠 乙卯未明蓐
食比曉霸先帥麾下出
幕府山侯安都謂其部
將蕭摩訶曰卿驍勇有
名千聞不如一見摩訶
對曰今日令公見之及
戰安都墜馬齊人圍之

摩訶單騎大呼直衝齊
軍齊軍披靡安都乃免
霸先與吳明徹沈泰等
衆軍首尾齊舉縱兵大
戰安都自白下引兵橫
出其後齊師大潰相藉
死者不可勝計生擒徐
嗣徽及其弟嗣宗斬之

以徇追奔至於臨沂其
江乘攝山鍾山等諸軍
相次克捷虜蕭軌東方
老王敬寶等將帥凡四
十六人其軍士得竄至
江者自盧龍縛筏以濟
中江而溺流尸至京口
翳水彌岸唯任約王僧

悟得免 丁巳衆軍出

南兗州燒齊舟艦 戊

午大赦 己未解嚴

庚申斬齊將蕭軌等

霸先又為七月丙子以陳霸先為

揚州刺史中書監司徒揚州刺史

尋為揚州進爵長城公餘如故

牧九月壬寅改元大赦以

二年丁

丑

十月
於陳禪

陳霸先為丞相錄尚書
事鎮衛大將軍揚州牧
義興公

三月庚子周文育送歐
陽顓於建康丞相霸先
於顓有舊怨釋而厚待
之 四月己卯鑄四柱
錢一當二十壬辰改四



柱錢一當十丙申復開
細錢 齊遣使請和

八月甲午進霸先為太
傅加黃鉞殊禮贊拜不
名九月辛丑進為相國
總百揆封十郡為陳公
備九錫陳國置百司

景定建康志卷十